

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

MIŠLjENjE
**na Prijedlog Odluke o izmjenama i dopunama Odluke o organizaciji i načinu obavljanja
taksi prevoza putnika na području Zeničko-dobojskog kantona,**

**Sarajevo,
april, 2014. godine**



Broj: 01-26-10-317-13-I/13
Sarajevo, 10.4.2014. godine

Na osnovu člana 25. stav (2) Zakona o konkurenciji („Službeni glasnik BiH“ br. 48/05, 76/07 i 80/09), a na Zahtjev za davanje mišljenja Ministarstva za prostorno uređenje, promet i komunikacije i zaštitu okoline Zeničko-dobojskog kantona, Kučukovići 2, 72000 Zenica, Konkurencijsko vijeće Bosne i Hercegovine na 86. (osamdesetšestoj) sjednici održanoj dana 10.4.2014. godine, daje

MIŠLJENJE

Prijedlog Odluke o izmjenama i dopunama Odluke o organizaciji i načinu obavljanja taksi prijevoza putnika na području Zeničko-dobojskog kantona, usaglašen je sa Zakonom o konkurenciji.

O b r a z l o ž e n j e

Konkurencijsko vijeće Bosne i Hercegovine (dalje u tekstu: Konkurencijsko vijeće) na Zahtjev za davanje mišljenja Ministarstva za prostorno uređenje, promet i komunikacije i zaštitu okoline Zeničko-dobojskog kantona (dalje u tekstu: Ministarstvo) je donijelo Mišljenje, dana 6.2.2014. godine broj: 01-26-10-317-7-I/13, o neusklađenosti Prijedloga Odluke o izmjenama i dopunama Odluke o organizaciji i načinu obavljanja taksi prevoza putnika na području Zeničko-dobojskog kantona (dalje u tekstu: Prijedlog Odluke), sa Zakonom o konkurenciji (dalje u tekstu: Zakon).

Nakot toga, Ministarstvo je dostavilo novi Zahtjev za davanje mišljenja na novi Prijedlog Odluke, dana 24.3.2014. godine.

Analizom novog Prijedloga Odluke, Konkurencijsko vijeće je smatra da su korigovane sporne odredbe Prijedloga Odluke, na koje su date primjedbe u prethodnom Mišljenju, i to:

- u članu 2. novog Prijedloga Odluke izmjenjen je član 10. „Odluke o organizaciji taksi prevoza putnika na području Zeničko-dobojskog kantona“ („Službene novine Zeničko-dobojskog kantona“, broj: 06/10) (u daljem tekstu: Odluka), koji je za cilj i posljedicu imao ograničavanje i narušavanje tržišne konkurencije, u smislu člana 4. stav (1) tačke b) i d) Zakona;

Član 2. novog Prijedloga Odluke, definiše nadležnosti Općinske službe, uz saglasnost Ministarstva, za donošenje akta kojim se, između ostalog, utvrđuju kriteriji za raspored taksi vozila na taksi stajalištima uz obavezu raspisivanja javnog poziva u septembru tekuće godine za raspored taksi vozila na taksi stajalištima za narednu godinu po jasno definisanim i transparentnim kriterijima, pri čemu je utvrđivanje ukupnog broja dopunskih taksi oznaka propisano članom 1. novog Prijedloga Odluke, uvjeti za obavljanje taksi prevoza određeni članom 6. postojeće Odluke (nema izmjena), a trajanje i način izdavanja dopunskih taksi oznaka definisan su članom 6. novog Prijedloga Odluke.

U skladu sa izloženim, Konkurencijsko vijeće smatra da su u novom Prijedlogu Odluke zadovoljeni principi pristupa relevantnom tržištu svim učesnicima pod jednakim uslovima, te je odlučilo kao u dispozitivu ovog mišljenja.

Predsjednik

Gordan Raspudić